



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Ecclesia Cathedrali Cæsaravgvstæ. Ioannis Baptistæ
Tvrricelli Responsum**

Torricelli, Giovanni Battista

Romae, 1656

Num. 8. Tertium ex verisimili.

urn:nbn:de:hbz:466:1-13380

9

stana, cum enim dignitate ea cæteras antecelleret, & à Sa-
racenis Mezquitam factam, & à Christianis in Cathedra-
lem eandem restitutam facile suadetur, seu relatam tempo-
rum consuetudinem, seu iuris communis, à quo Princeps
non recessisse præsumitur, dispositionem attendamus, qua
cauetur, ut quæ Ecclesiæ olim Cathedrales aut bello, aut
infidelium iniquitate suam dignitatem amiserint, dum cō-
modè fieri possit, in pristinum statum reintegrentur ad Can.
felix 16. quest. 1. et tradita per Moscon. de Majest. militan.
Ecclesi lib. 1. par. 1. cap. 15. in princ.

Alia plura nec leuis ponderis adminicula adducunt in hac cau. N. 8.
sa Scribentes, quæ in re tanta graui iudicio sapientia Patrū
expendet. Vnum non omittam videlicet, si Cathedralis
B.M.Virginis Ecclesia extitisset, omnino inuerisimile esse,
ut Rex Alphonsus in B.Virginem apri mē pius (cui statim
capta Cæsaraugusta in eodem Templo summa populi lœti-
tia publicas dc Mauris debellatis ab eo gratias actas testa-
tur *Carill. annal. lib. 4. anno 1118. fol. 268.*) quam Ecclesiā,
& Barbari veneratione habuere, ipse antiquis honoribus,
& prærogatiis, translata in Mezquitam Sede priuasset, è
contra nihil veritati adeo congruum quam Cathedræ Di-
gnitatem Ecclesiæ, in qua antea viguit, restitutam fuisse: id
enim sanxit ius commune *d. Can. felix 16. quest. 1. & verisi-*
milius dicitur, quod iuris communis dispositionis proprius
accedit Aymon. conf. 35. nū. 24. Mantic. de coniect. lib 6. tit. 6.
nūm. 4. Quamobrem si in omni materia, quod verisimile
est amplecti dehemus, verisimilitudo enim probationem
alias minus concludentem sustinet Tiraquell. in prefat. ad l.
si unquam nūm. 51. Surd. cons. 489. nūm. 9. Gregor. decis. 245.
*à nūm. 7. quod autem inuerisimile est præfert imaginem fal-
sitatis Abb. Fælin. et communiter DD. in d. cap. quia verisimile*
de præsumpt. Surd. cons. 61. nūm. 37. et 38. et cons. 132. nū. 21.
contra Ecclesiam S. Salvatoris respōdere profecto nequeat,
*qui à verisimili non deflectat contra reg. tex. in cap. quia ne-
risimile de præsumpt. l. in obscuris de reg. iuris, et l. cum in te-*

B

stamen-

stamento ff. de reb. dub. Quare ex his fundamentis huius partis causam potiorem omnino existimo.

Nec obstant quæ aduersus ea respōdit Rota i. decis. 353. par. 5. recent.

N. 9. Et in primis præsumptionem resultantem ex posteriori atque diurno statu Cathedralitis elidi ex probatione anterioris status contrarij ad l. final. in princ. ff. quod metus caus. Quia respondeatur, hanc anteriorem Ecclesiæ S. Mariæ Cathedralitatē ex adductis in primo capite nequaquam probari ut infra constiterit.

N. 10. Similiter non obstat quod contra primum adminiculum adducitur à num. 89. vbi transumptum priuilegij ab Alphōso concessi Ecclesiæ S. Saluatoris non esse in forma probati, & quatenus iuris solemnitatibus non deficeret, non esse extractum ab Archiuio publico: Demum enunciatam in dicto priuilegio antiquitatem Ecclesiæ S. Saluatoris referendam esse ad Ecclesiam Cathedralem Cæsaraugustanam in abstracto, quæ antiquissima conceditur non autem ad hanc, vel illam materialem Ecclesiam. Nam quo ad legalitatem priuilegij sanè eius auctoritas ex allegatis auctoritatibus, & Bullis Apostolicis satis confirmatur, & notissima est regula, informitatem scripturæ in antiquissimis supplenti adminiculis. *Capita quen. decis. 234. numer 2. par. 1. Merlin. decis. 572. num. 3. & par. 4. diuersi. decis. 717. num. 5. vers. non obstat, & recent. par. 2. decis. 418. nu. 5.*

Quò verò ad auctoritatem Archiuij Ioannes Arruegò in libro nuperrimè ædito de Cathedra Episcopali Cæsaraugustæ cap. 20. per tot. luculenter probat in pluribus iudicijs, & causis cū ipsa Ecclesia del Pilar agitatis Aragonensia Tribunalia dictum Archiuium publicum agnouisse; Vndè infertur scripturas, & libros Ecclesiæ etiam informes ex eo extractas fidem facere cap. ad audiētiam, & ibi glos. in verb. censualem de prescript. Authentic. Ad hæc, & ibi glos. in verbo publico C. de fide Instrumentorum Alexander conf. 92. num. 6.

vol. 2,